

LA CONTRÀ DE L'ACQUA CIARA

(Bepi De Marzi)

La contrà de l'Acqua ciara
no zè più de l'alegria,
quasi tutti zè 'ndà via
solo i veci zè restà.

Le finestre senza fiori,
poco fumo dai camini,
senza zughi de bambini
la montagna zè malà.

Su in contrà de l'Acqua ciara
solo i veci zè restà.

Torno torno la fontana
dove i sassi sa le storie,
se già perso le memorie
che racconta la contrà.

No' se ride, no' se canta,
no' se fa filò la sera,
no' vien più la primavera,
la se già desmentegà.

Su in contrà de l'Acqua ciara
solo i veci zè restà.

Su in contrà de l'Acqua ciara.